

Հաւատօս, որ յԱստուած կենդանի, և ըստ անստերիւր դաւանութեան և վարդապետութեան նորին, կան անխախտելի ի Հիմն եկեղեցւոյ ի Քրիստոս Յիսուս, սրբութեամբ պաշտելով զայն՝ զոր ուսուցանէ Հայաստանեայցս առաքելական սուրբ եկեղեցի:

Եւ ի վերայ այսց Աստուածային օրհնութեան և Հայրապետական բարեմաղթութեան մերոյ՝ պարտ անձին Համարիմք յիշեցուցանել և զայս, զի ամենայն բարեպաշտական գործք և առաքինական ճգունք, զոր գործեմք երկնաւորին ակնկալութեան փորձուց, մի միայն պսակադիրն է սէր և խաղաղութիւն, առանց որոց ի զուր են ամենայն բարեգործութիւնք, ի զուր և նահատակութիւն որ յանուն Աստուծոյ: Եւ զայս ինքնին Առաքեալն Պօղոս ուսուցանէ մեզ յանձն իւր առակեալ. —

«Եթէ Զամբիցեմ, ասէ, զամենայն ինչս իմ աղքատաց և մատնիցեմ զմարմին իմ յայրումն, և զսէր ո՛չ ունիցիմ՝ ո՛չ ինչ եմ, և ոչինչ օգտիմ»:

Արդ՝ զայս ամենայն գիտելով, սիրելիք իմ, պատուէր տամք ձեզ՝ իբրեւ առաւելագունի բարւոյ՝ զհետ լինել սիրոյ և առնել խաղաղութիւն յանձինս ձեր:

Լուեալ իսկ եմք, զի թէ և յամենայն գործս բարիս կատարեալ էք, ալլ յայսմանէ ի սիրոյ սակաւք ոմանք թերանան և առ միմեանս բերին առելութեամբ ո՛չ ունելով յանձին զխաղաղութիւնն, զոր աւանդեաց մեզ Քրիստոս ընդ սիրոյն, և որոյ պտուղն ուսուց մեզ առաքեալն՝ «թէ է կեանք յաւիտենական»։ առ որ և խրախուսանօք յորդորէ զամենայն Հաւատացեալս, որոց ակն ունին տեսանել և վայելել զգէմ յանգիման տեսութիւն Աստուծոյ, որ այն ինքն է երանութիւն սրբոց՝ բանիւս թէ «Զհետ երթալք սիրոյ և խաղաղութեան, առանց որոյ, ոչ ոք կարող է տեսանել զՏէր»:

Այսուհետեւ իմաստնացարձեք ուրեմն յանձինս ձեր, ի բաց ընկենլով ի ձէնջ գատելութիւնն և զխռովութիւնն, որ բուսեալ է ի ձեզ, իբրեւ Հանդերձ Հին և ապականեալ մարգոյն մերկայէք յանձնէ, զգեցեալ զնորն՝ զսէր և զխաղաղութիւն, զոր Քրիստոս Տէրն մեր իբրեւ Հանդերձ փառաւոր երկնային Հարսնարանին ետ մեզ առ ի լինել մեզ նովաւ արժանի երկնահարաւէր կոչմանն: